

劫

餘

詩

選

劫餘詩選卷二十二

婺源 齊學裘 子治

次韻奉和楊堯門寄懷之作

不遇知音莫與談天涯作客興長酣  
思君愁對一輪月望我情深千尺潭  
貌似古梅花絕豔詩如諫果味回甘  
羣推宇宙在乎手祕訣青囊得一龕

堯門精堪輿之術故并及之

冬日寄贈之作

楊翼亮

久不相逢促膝談遙聞倡和興還酣  
詩才秀越銅峯頂品格清逾玉女潭  
我似吹簫聲不遠君如齧蔗老能甘  
明春儻有遊山約萬古情懷寄一龕

孫子與

點

明經入都赴試爲繪長風萬里圖並題

詩送其行

丈夫貴立志志本在四方安能爲螻屈所願作鸞翔班  
超拔筆起相如題橋昌志豈在溫飽名須期顯揚得行  
卽命駕出爲邦家光點也有心人弱冠志雄強鳩毒戒  
宴安藩籬羞頽頽身遲朱紫貴何以慰高堂求名瞻

北闕射策去南邦折得蟾宮桂宴把瓊林觴獨占鰲頭  
歸與我重徜徉繪圖送君行萬里長風長

卽目

從來財散則民聚究竟無爲勝有爲老去見聞多怪異

徘徊局外賦新詩

蔣香生太守遊嶺南購得其伯曾祖文恪公手繪  
水村風景圖卷文恪公敬書

御賜五古一章於圖首並錄恭和詩及汪穉兩公恭和  
詩於後太守道經申江見示屬題辭不獲命爰  
效恭和之體以志此卷復得之畧卽希大雅正  
之已卯閏三月作

大臣侍

帝側一心爲道謀密勿歲年久倦倦依

皇州養痾辭

北闕氣候逢新秋蒙

賜予告詩

光照邱園幽不似陶彭澤惟云事西疇圖繪水村景妙  
筆誰能求村舍有幾間垂釣無一舟養得神氣足  
還

朝從

宸遊司馬昔歸洛家園草木稠詎以湖山勝而忘民物  
憂此圖神物護暫失今仍收先正手澤存後賢行  
篋留合補慶珠還出示海東頭太守真可人儒雅  
洵風流圖書自典重島嶼晴嵐浮野老歌康衢擊

壤心悠悠

乾隆二十六年盧雅雨都轉轉運淮南日招杭董  
浦金壽門陳江臯沈學于王載陽張軼青鄭板  
橋脩禊板橋手書清明日紅橋泛舟詩侶梅屬  
焦仲梅繪圖裝成一卷蔣香生太守得之於閩  
中屬余題詩因作二律以報之

少時訪友上揚州芍藥花開作勝遊十里清波飛畫槳  
二分明月照歌樓無端忽抱滄桑感有恨長懷民物憂  
今日披圖堪一笑紅橋依舊泛輕舟

我亦恩恩近八旬賞心樂事在良辰十年已覺揚州夢

三月重來東海濱

同治己巳方子箴廉訪轉運淮南時延予詩社觴詠八年光緒丁丑予重

來滬上寄居城南

昔日紅橋圖繪好今春上巳禊脩頻

己卯重

前賢韻事後賢繼合付詩人作主人

閏三月十四日日本竹添

井井

戶部往天津詩以

### 送之

相去萬餘里相逢一二時明朝又分手何以慰相思

題劉拙庵明府

煇

拙存集

挂冠近十載湖海興悠哉白下別離久賊中辛苦來  
遣懷惟覓句慨事輒含盃三復拙存集心胸頓覺開

我亦垂垂老君仍健若仙百篇一斗酒不愧李青蓮世

異多新政人間少俗緣散花天女侍居士好逃禪

明月清風夜吟翁得意時畫蘭師古白書法學羲之用  
會憑天斷行藏慎自爲清涼離苦海可以細論詩

天地一鷗鳥何妨浩蕩遊春光容易過勝友最難留筆  
似行空馬身同不繫舟西湖依舊好相約上杭州

申江毛對山高士

祥麟

吾故人也丁卯冬吾來滬

上寄居城南與對山相去咫尺時時相過慰予  
寂寥感其高情詩以贈之

君是地行仙日出上街走信步任所之傍花又隨柳身  
忙心自閒瞻左復顧右形骸任小勞俗務除纏糾筆下



點塵無胸中萬象有詩清好飲茶性靜不喜酒萬事不  
求人去留憑天授彷彿林酒仙竿上打筋斗騎牛慕老  
君夢蝶希莊叟萬物生乎身宇宙在乎手妙繪追明賢  
文沈堪爲偶手著墨餘錄中外傳之久而我述見聞拙  
筆瞠乎後贈我還山圖祝我七旬壽寶藏雲起樓付與  
兒孫守我與結鄰居十訪不遇九有時朝扣門快談直  
至酉其言如懸河滔滔不絕口可號無懷民可名三益  
友我年近八旬千金百敝帚天地爲吾廬烏烏謂擊缶  
四壁任蕭然千秋固不朽詎以花著身而忘柳生肘天  
然一頭陀衣鉢淨無垢雖無負郭田尚有賃春白長嘯

海天中壽高得天厚惟君不世荷愛我忘我醜天涯忘  
寂寥賴有此黃耆欲報乏瓊瑤呈言陳一首

題山城侍讀圖爲陳季槃作

樂得英才教育之山城侍讀有餘師精研經史傳家學  
事業千秋定可期

嗟予老去竟無聞手抱遺編百感紛予時無錢重刊先集故及之羨

爾山城欣侍讀我從何處侍嚴君

題吳貞女傳後

吳氏有貞女習禮而明詩在家孝父母許字嚴公兒于  
歸已有期父歿因止之無何西寇至東山颺賊旗倉卒

扶母走賊逼力難支告母以先死涕泣投清池四日而  
如生賊退殮其尸歸葬嚴氏塋以成人禮爲貞烈聞於  
朝 旌表其門楣女死全其貞迎葬匪所思祇知從一  
終禮云胡不宜余讀貞女傳淚下如連絲相彼丈夫身  
從賊供驅馳深閨一弱女大節明如斯一坏香萬古節  
高峯莫釐余亦陷蘇城投樓脫賊追萬死不得死人言  
神護持余曰豈其然天鑒心無欺守身如處子志定復  
奚疑回首二十年餘生寄江湄養志而樂天邵子眞吾  
師敬題貞女詩歛衽無間辭年衰筆久秃聊博方家嗤  
爲張谷鷗作山水橫看子并題詩二首

一林蒼翠蔭漁莊中有幽人隱草堂  
歷盡人間千萬劫  
北窗高卧傲羲皇

山如碧玉水如油日永於年泛小舟  
一切有爲皆夢幻  
無心出岫片雲浮

次韻奉和潘紱庭丈

曾綬

題見聞續筆五律一首

卽寄都中

出處憑天斷名期沒世稱  
夢縈香雪海心印玉壺冰君  
本多情佛我成行脚僧  
一筇雙屐在休問客何能

題見聞續筆寄玉谿

吳縣

潘曾綬

紱庭

好學承先志早年三絕稱  
性情同古雪身世悞堅冰

老去已無友前生疑是僧羨君多著作愧我百無能

題清到梅花圖胡鐵梅悼亡詩後

羅浮仙子是前身修到梅花清絕塵定與師雄緣未了  
尚留背面爲傳神

優鉢曇花不久留悼亡賦就定千秋也知此恨人人有  
幾個糟糠共白頭

偶成

老去一無事逍遙方外遊莊周夢蝴蝶老子騎青牛識  
得窮通理渾忘生死愛安貧不改樂知命復何求

吳子弓過談快雨時至偶得一詩贈之

秋暑一何酷蓬門爲爾開雲端尚含日天半忽轟雷快  
雨送涼至清風入座來暢談古糟粕歎服斲輪才

劉融齋先生時時枉顧慰予寂寥感其盛意作詩  
奉贈卽用其題海天長嘯圖詩韻

鼓琴聊自娛何處求知音晚歲始學道海濱逢素心十  
年如一日花潭無此深匡予以不逮論古復論今有花  
共欣賞有酒同酌斟天涯忘作客老至時呻吟黃浦滄  
金帶遠山橫玉琴鵬飛九萬里海運當圖南有道人情  
厚無爲天德歆吾師今在是何必成連尋寡過恨未能  
師言敢不欽

題玉谿老人海天長嘯圖

興化

劉熙載

融齋

天有清冷風佛有微妙音客有星江老三者爲知心  
此老善長嘯意與蘇門深海天聊寄興浩浩涵古今  
千詩衝口出盃酒無多斟但聽琅琅誦勝彼鸞鳳吟  
有時耽靜默隱契昭文琴此亦同太上希聲含雅南  
安知嘯與默均齊無厭歆我雖昧嘯旨遊戲時相尋  
願言師此老他賢非所欽

七月二十三日接得小山家兄寄懷詩次韻和之

却寄

非聖非賢孰固窮是仙是佛總無終世間難得爲兄弟

太上真修立德功不計服疇還食德爲貧弄月與吟風  
長生須覓安心藥名利休論空不空

附錄原作

學滌小山

工詩惹得半生窮重刻父書憂不終種種遺編遭劫  
火空空妙手復雕功壯心豈在溫和飽快意常吟月  
與風老我所需惟藥物虛名虛利總皆空

意有未盡再和二章寄之

不識不知不解窮海天長嘯興難終家無擔石心常樂  
語出勸懲筆有功日本人來求拙集京都書到感秋風  
連宵夢與羣仙語指點塵寰色卽空



富貴多憂貧賤樂狂談更僕不能終淵明自得讀書趣  
玉局常勤搜句功滬濱今宵看水月家山何日聽松風  
八旬兄弟他時見相約金樽酒莫空

七月廿有八日余仲魏甥來申過謁適予出遊不  
得一見作詩寄之

不見余甥久今經十二秋雲山千里隔欲晤苦無由去  
歲得甥書欣然慰我憂今秋屆試期來訪雲起樓舅適  
扶筇出一面不得謀歸來聞甥去頓令增離愁行色何  
恩恩欲留不得留祇緣試期近那得事閒遊秋風得意

四道路開驂騶重過築耶城攜手登瀛洲

南園聯云雲間福地上

瀛洲暢談滄海事十日那能休劍氣沖霄漢文光射斗牛  
桂林折一枝快插秋元頭七十七老翁一笑驚羣鷗家  
藏有斗酒相期酌一甌

贈顧耐圃處士

老圃清癯甚蕭然物外身觀書多歲月愛畫長精神與  
我話疇昔憐君性率真遺風留太古不愧葛天民

贈顧惠卿

吳中顧惠卿性情清且介作畫師宋元不肯趨時派補  
我長嘯圖筆墨俱高邁了然立一身跳出圈兒外打破  
貪瞋癡來參定慧戒北窗高卧起下筆風雨快筆到氣

早吞精神無少懈祇求空且靈不慕奇與怪尺幅論萬  
里爲貧常賤賣不用造孽錢惟償書畫債問年未五十  
神氣已衰敗良由心太苦弱質爲病憊余曰君勿憂萬  
事心休挂真手固不損真硯亦不壞傳神顧虎頭浮生  
任否泰

望雲開士示疾詩以愈之

世界一何大胡爲故紙攢過眼皆煙雲何物屬嬾殘旣  
跳出圈兒快上百尺竿上有青青天下有深深潭翻身  
打筋斗依然落塵寰不如捨身去虛無飄緲間遊行得  
自在無時不喜歡形骸付太虛病魔那得關維摩憫衆

生示疾化其頑間病來文殊無言大悟還

辛酉余避地江北通州石港得遇吳中馬君子良

文熙

工六法善填詞倡和往來殆無虛日結為

忘年交服其人品之清介也丁卯冬余來滬上

子良先予至賣畫養母成室成家與予往來十

餘年如同一日作詩贈之

賣魚灣上結鷗盟

石港號賣魚灣

君善填詞我繼聲臨水登山

悲異地倡予和汝喜同情畫圖留得豔禪在

為予畫豔禪圖册精

妙絕倫見者無不嘆賞

滬濱欣逢波浪平想是前緣非偶耳十年

同寓築耶城

題自畫山水

水如碧玉山如黛天付幽人去詠詩一葉扁舟鼓吟興  
曉風殘月酒醒時

重陽同桂林倪鴻耘劬來安孫子明華亭董鶴汀

成兒鐵官孫隨侍也是闔圓嶠登高一粟庵訪

望雲詩僧酌茗清談得詩一律

重陽自古悲秋節我到登高興倍豪陶令遠來思採菊

倪耘劉郎不至嬾題糕劉融齋山長禪房清話日將夕

大海安瀾風不號多謝老僧頻煮茗勝他送酒佐持螯

倪云是夕葛履齋  
招飲故弁及之

蔣孝子南香公頌

有引

道光辛巳學裘年甫弱冠隨侍先大夫梅麓  
公寄居宜興城東撒珠巷與蔣氏山亭侯祠鄰  
近得交蔣氏士夫常到山亭侯祠遊憩瞻其祠  
宇深嚴令人起敬老遭兵亂流寓申江光緒己  
卯遇蔣君香生太守論古今評書畫以遲暮之  
秋得此忘年好友幸矣近示尊人南香公孝子  
傳畧命題會前修之未遠喜世德之常延其何  
能已於言也遂作頌曰

蔣山亭侯祠宇清幽陽羨山邱公爲侯裔仁心濟世德

昭天地公以孝傳人無間言聲聞于天

帝旌孝子

名揚四海流芳千載公有馨兒不匱孝思爰樂頌之

蔣公南香割臂說

長洲蔣公割臂肉以愈母疾聞於

朝得

旨旌

如例夫古人孝其親者若世所傳齧指痛心百里負  
米哭竹生筍卧冰得魚之類不一而足獨未聞有割  
臂療親疾者世儒遂引身體髮膚受之父母不敢毀  
傷之說以爲割臂奉親尙至傷生反貽親痛恐不免  
爲愚孝噫身體髮膚之愛人子誰不知之惟當親病  
綦篤百藥不靈奄奄一息命在須臾間計窮力盡乃

出於此以冀天佑本非要譽邇恤被譏然後知世儒  
之言之過也予今讀公傳畧服其施濟之宏尤於剖  
臂一事實深欽仰謂公平生眾善悉以孝為根本特  
為說以表之俾世知賢者之行非恒人所可輕議焉  
寄懷方子箴廉訪揚州

頃聞台從返揚州正好登高續舊遊竹杖芒鞋看入畫  
巫雲峽雨載盈舟歸田得享林泉福解組長懷廊廟憂  
閉戶著書多歲月康衢擊壤聽哥謳

聯吟八載詩成卷澗別三年髮盡霜萬里雲山勞遠夢  
千秋文字壓歸裝分廉惠我全家感何物酬君一瓣香



暮齒流離逢鮑子仰天遙祝壽而康

臣朔胡為長苦飢廿年羈旅歎無歸人居異地思鄉國

時到寒天念故衣邗上煙花空悵望海邊鷗鷺共忘機

論文樽酒何時再蝶夢花園栩栩飛

公館在花園巷

今古升沈一刹那世間無事不南柯平頭八十三年欠

知足箠瓢萬斛多君有如椽千載筆我無懸磬一雞窠

懸車攜手言能踐明日渡江離薜蘿

已卯十月十日作五律二章送馮展雲中丞

譽驥

### 鎮撫西安

彈指三年別相逢咫尺難衡文辭

北闕節度鎮西

安膏澤及時下閭閻忘却寒望君如望歲離思滿江干  
嗟予年已邁不得從君遊先集未全粹寸心難解憂家  
貧生計拙地異客居浮輒欲乘桴去尋仙到十洲

題忍齋習靜圖爲方子箴廉訪作

靜者心多妙蕭齋悟忍禪人言何足恤禮義本無愆  
自生於害後當勝乃前投閒真是暫不口見堯天

次韻奉和郭堯卿遣懷之作

漫道今愚卽古愚海天長嘯別通儒

余來邗上劉融齋先生送酒餞別爲

題海天長嘯圖

重尋邗上新詩社再訪高陽舊酒徒養志樂天

堪遠辱無爲有道不愁孤天公故意撩人笑不療貧錢

滿地榆

附錄原作

江都郭夔

羸疏得飽亦今愚  
落寞何曾誤腐儒  
道出羲皇逢大笑  
言歸楊墨失吾徒  
朔風未厲容衣薄  
宵月無情照影孤  
一任霜華侵鬢髮  
漫圖晚景樂桑榆

次韻和方子箴廉訪見贈之作

九月聞君至不遠千里至  
得見君顏色揚眉兼吐氣  
詩社憶井南君築井南精舍於運署為詩社  
不齊蘭亭會  
舊雨如晨星  
思之頻下淚社友去世居多  
握手懸車年如願  
真快事君贈予詩有還期握手懸車  
年之句聽談蜀山奇  
未飲心先醉  
尊酒再論文  
此契非

容易清福神仙誇英才造物忌不忘平生言君於丙子冬之宦西

遲

川臨別贈言云從今契交還期廿載始終全高誼乞食笑淵明炊煙朝夕

玉谿叟子敬丈小東族叔前後渡江來看予欸之忍齋感賦

方嶧願子簾

一叟黃浦來一客潤州至最後秣陵翁跋躄尚豪氣

往者待月檉壺觴詡高會忽忽三四稔屢墮詩友淚

龍溪叔平眉生百生皆化去我從西川歸正苦鮮拘事那圖降三

老狂喜判一醉浮雲不如人既散聚非易離者旋復

合蒼狗動遭忌貞此松柏姿亮者金石誼明年再相

見提壺蜀岡遲

己卯十一月上泮劉佩卿郭堯卿招飲卓如上入  
禪室圍坐十人不知誰賓誰主堯卿賦詩見贈

次韻奉酬

僧俗團團聚古歡羣賢各自運三端禪宗本食肉邊菜  
儒者常持瓢與簞酒滿尊中飲輒醉梅開嶺上看將殘  
大裘廣廈何方覓煨芋山房足禦寒

卓上人精舍小集奉呈玉谿尊丈斧正

郭夔

禪悅偏宜導古歡浮生小住劇無端相思命駕輕千

里兩頰含飴重一簞別後幾人饒健在客中有子慰  
衰殘輪予衣帛年方至敝緇衝冬未覺寒

庚辰立春作

記得庚辰年十八今春又說是庚辰七十八年驚閃電  
百千萬劫苦磨人窮通自召非關命得失人操實有因  
解得盈虛消長理自除癡愛與貪瞋

揚州次女王氏家過除夕遣懷

又到揚州過除夕乍聞爆竹客心驚修蛇赴壑尾難掣  
老鶴守梅聲自清長欽三彈人共笑屠蘇一醉歲將更  
女兒侍奉能承志老至離家不悵情

劫餘詩選卷二十三

葵源 齊學裘 子治

庚辰元日作

元日開新霽光華照九州年豐人自壽海碧鶴長遊不  
改予心樂難忘杞國憂風雲無變態擊壤起歌謳

庚辰正月初六日送于壻漢卿之西安馮中丞幕

府卽用其元日詩韻

舅甥無日不吟詩三十年來一霎時宦興久隨流水逝  
遠遊怎慰老人思灞橋楊柳徵新詠淮海名流競餞卮  
明歲春風逢驛使梅花多寄兩三枝

庚辰元日作

于昌遂

漢卿

年年元日賦新詩此日情懷異在時積雨連旬足春  
氣曉風迎歲引離思晴回芳草催長路香滿梅花泛  
別卮莫戀蕪城楊柳色灞橋更有萬千枝

光緒六年正月初六日于壻漢卿在赴西安馮中

丞

譽驥

幕府作詩三十韻以送其行

光緒六年春正月初六日甥赴西安幕特來與舅別甥  
去路三千舅年將八十後會縱有期歲月去飄忽何日  
養志園同看花與實回憶賣魚灣倡和樂晨夕一徙申  
江居聚散如飛葉倏忽十八秋變遷多歷劫甥忽賦歸



田舅長吟乞食淵明是我師欲語口訥訥反遭俗眼白

貧窮貴自立家雖無立錐握中尚有筆天鑒苦心人三

老助我力劉侯時相過令我不寥寂劉融齋山長至講  
龍門書院時時相

過慰予方伯知我心騷壇備一席方箴翁館予八  
年呼為詩友徐公

知我貧館修代籌錫徐仁山先生復箴翁書云玉翁鄉  
丈老而且貧為屬同鄉誼宜分廉

養之附去洋銀四十元望代轉送明歲乾脩當設法代  
籌一經久可恃之道其言關切如此感何可言故及之

嗟予老將至不能安蓬華餬口走四方才疎生計拙有

田無人耕有屋他人入三年海上居兒孫爭繞膝人言

晚景佳蔗根甘如蜜飢來驅我出奔南又走北良朋從

我思春風遍吹植兒子命途窮求館無一得馮中丞代  
成見薦館

皆未成就  
錫到中丞幕  
望頻寄手札  
一慰老人心  
解我離愁  
潤爲我謝中丞  
厚意銘心骨  
心香一瓣留  
敬爲南豐辨  
他日錫南旋  
訪我隨安室  
壺觴不放空  
相對話疇昔

次韻和漢卿赴西安馮中丞幕府留別維揚友人

四首

年將八十鬢皤皤  
不向人間喚奈何  
親友凋零知己少  
兒童長大可人多  
魚龍作浪翻滄海  
松柏參天附女蘿  
正是客心孤迥絕  
那堪門外唱驪歌

誅茅卜築蜀岡原  
十載栽培草木蕃  
過難成祥叨丹庇  
歸田無恙荷  
君恩樂天事業真  
長策養志生涯不

二門梅爲主人將整駕萬枝晴雪擁花繁

北海壺觴酒不空高朋滿座醉薰風杜非僕射駒難繫  
馬到梁園路始通西嶽華山瞻毓秀維揚淮海憶沈雄  
蒼生久切甘霖望春在楊枝點滴中

不作塵寰第二流春風十里到揚州三千里折灞橋柳  
七九時披狐白裘師召東山猿莫笑鶴鳴西岸子同遊

外孫彤侯隨其乃父游幕西安慈雲移展南天日歸去來兮颺小舟

馮展雲大申丞師召赴關中幕府留別淮揚親友

于昌遂 漢卿

光陰忽忽鬢將皤又捉征鞭可奈何灞岸於今遊子

少蕪城自昔寓公多已成野性羣麋鹿肯遣山靈笑  
薜蘿三十年前東海上援琴曾譜水仙歌

躡屩平生慕邴原登車那復類陳蕃湛深經術吾師  
法特達功名  聖主恩兩晉汎舟通絳雍三秦置

籍處花門願爲公是先生記時政紛紜語恐繁

聞說西山寇盜空青油幕下坐春風敢將筆札誇齡  
石浪得才名誤敬通貨殖五都三輔舊屯田萬騎九  
邊雄祇愁江國梅花引吹入羌村笛管中

孟津先渡舊黃流華嶽雲開過陝州客邸競傳來馬  
骨歸裝何慮做貂裘周秦炎漢留形勝淮海維揚續

夢遊輪與桃花好時節  
湔裙齊上市河舟

題扶桑驪唱集爲葉松石作  
卽用其留別日本諸

友原韻二首

君從海外得知心  
獨抱成連一古琴  
雲出常閭常離岫  
鳥飛不倦不投林  
偶爾滄瀛行挂席  
宛然霄漢坐披襟  
彼都人士崇高誼  
送客詩情深復深

笑予跡未到東京  
却識東京幾友生  
副島詩書拜山盡  
西塘雅韻竹添清  
筆談通語全無異  
杯酒叙歡倍有情  
今讀扶桑驪唱集  
何時得啖墨江櫻

將歸故里留別東京諸友二律

葉 煒  
松石

豈有乘風破浪心偶然來聽子春琴問雲久駐添新  
 雨倦鳥孤飛戀故林此日銷魂開祖帳他年回首感  
 題襟斯遊真箇超前哲海外論交比海深

臯比虛擁豸談經自愧毫無裨友生浮海徒誇詩格  
 變出疆幸際 聖時濟鄉心梅鶴頻縈夢秋思蕪  
 鱸忽動情最是兩般拋不得聯吟諸子墨江櫻

春宵偶成

浮生若夢本無端何用凄凄傷老殘興到吟詩供覆瓿  
 窮來廢事且投竿重刊先集酒甕梅開饒醉色漢卿送  
以酒甕花庭柯鵲噪報家安連朝鵲噪焦桐莫恨無人  
開更豔

賞自有中郎爨下看

寄懷禪友十四章

海雲

海雲長老種蕉學書人人送酒松挂一壺草聖欲成醉  
僧可圖唐之懷素其在斯乎與我交遊十載有餘紫竹  
一林放下團蒲相對無語興來懽呼人言何恤有德不  
孤

望雲

望雲長老中歲出家遭家不造始著袈裟

賊犯紹興全  
家被難故出

家生長朱門少游幕府三十服官四十多故能詩能畫

能書能文看穿世界富貴浮雲執事書記專寫懺文十  
 八年來守真出俗行脚千山藏身一粟常作上海一粟庵與我  
 長談如金如玉詩追杜陵書臨玉局心如死灰口如懸  
 河不諳佛事不念彌陀嗚呼噫嘻是真豪士逃入空門  
 不得已耳別來四月天各一方停雲細雨延佇徬徨

芥航

芥航詩畫名著禪林與我交遊實獲我心石佛入山先夫所  
送圖詠勒石予刻圖詠先君偕和詩又大士石像東  
處妥當送至海西高置庵壁大士石像供奉祖堂東坡  
幸甚像石墜鶴銘旁十年勒石千古流芳誰其置之吾師芥



航一水盈盈三年濶別挂席訪公清明時節萬樹桃花  
滿江明月供予兩人飲茶清話不談世事不參佛偈卽  
目吟詩以自娛悅白戰一場不持寸鐵佛印坡公志同  
道合此景此情千載一轍質之吾師然否請說

六澗

六澗禪師自然庵主清淨無爲守默寡語性喜學書不  
名一家蠶頭馬尾春蚓秋蛇與我訂交將及十載盛饌  
伊蒲情深於海梅龍抱孫長歌籠壁梅龍久飛訪之無  
蹟先君前世自然庵僧是再來人有夢爲憑先君石像  
擬送入山以償宿願以了前緣澗公曰善掃壁以待藏

之名山得大自在

昔年侍先大夫遊自然庵命作返魂梅詩先大夫作梅龍抱孫歌今猶籠

壁墨蹟如新六澗公屬予補寫梅龍抱孫圖合裝成卷擬送先大夫石像入庵以了前緣亦一樂事也兒年已

圖之

### 聽潮

我友聽潮俗家南昌先人筮仕親顯名揚  
 勘破閻浮出家維揚初入天寧督力方剛  
 灌溉園圃耕種田場厨下廁所禪室經房  
 灑掃應對勞苦身當克勤克儉宿夜弗  
 遑六祖苦行卅載備嘗一朝寇至奔走  
 四方寇退歸來四顧傍徨古木一株半  
 枯半黃寺無一椽垣頽四疆先收白骨  
 繼造祖堂十年募化佛盡金裝樓觀崔巍  
 花木

芬芳功成不日雲集千祥與我道合交淡乃長敬佩神  
力普渡慈航煥然一新佛亦增光

海文

海文善琴已巳相遇萬佛樓房延我小住時逢除夕邀  
啖伊蒲眾僧環繞首座居予以茶代酒左宜右有興發  
鳴琴以介眉壽二月六日我返申江送我登舟話別蓬  
窗壬申到邗海文被繫片言解紛脫然無累退院投間  
卓錫西湖復返梵音築室以居寺遭回祿經堂無恙一  
點至誠保全方丈三年不來來不見君雨包風笠何處  
停雲

濟川

禪友濟川少年英俊任持梵音

古梵音寺

行脩精進不戒於

火萬佛樓焚昔我往矣片瓦無存今我來斯煥然一新  
我刊先集全部未成籌資無法剗剗難興君何精能大  
具神力至誠格天服之無斃

雪航

雪航好畫又好吟詩焦山相遇清談片時賊退江南我  
來邗上訪君蜀岡草庵始創平山堂成伊誰之力方公  
捐蕪羣賢畢集於時雪航頗亦有勞功成退院何用牢  
騷人皆不取我獨揄揚蜀岡土木募始雪航

靜濤

靜濤好靜釋家隱君不喜酬應閉戶修文與人交接默  
默無語送客出房足不出戶專心篆隸鐵筆尤工勒碑  
刻銘北海遺風忠厚至誠不諳世務居鄉避囂耕田種  
樹與我談藝藹然可親逍遙方外得一高人

心泉

心泉詩人住持法淨詩丙子到山慧心安定禮義不愆  
何恤人言築室百堵心如甘泉我來訪君天寒歲暮握  
手立談同雲密布庚辰脩稷春以爲期方子箴蕭訪訂約鐘鳴  
不已開士吟詩

蓮溪

蓮溪善畫聲名遠揚誰是爾師傅山氏張我見傅山少  
時陽羨竹石喬柯爲我畫翫蓮溪任持黃山之麓雲海  
置身其人如玉爲我補圖持杖侍女豔禪同參蒲天花  
雨

虛谷

虛谷高僧畫筆精妙爲我補圖海天長嘯又寫黃花仿  
彿白陽傳神逼肖名聞四方約泛西湖因事未果約遊  
虞山停舟以待笑予年邁懶於間遊羨君行脚遍踏九  
州我客邗江君棲何處延仁東軒濛濛細雨在家出家

同是天涯心無罣礙樂子無家

衡峯

卅四禪友方外衡峯彈琴作畫相術精通卓錫吳門滄  
浪亭任聽君鳴琴長歌立賦亂後歸吳任持廢寺土木  
大興重重殿宇十年不見人間天上何處問君塔兒古  
巷

浩清

浩清禪師志切清修梵音古寺司香佛樓我來廣陵邂  
逅相遇己巳之冬與師同住杏花時節我返江南師猶  
在寺彌勒同龕廟過東嶽蔓草荒煙立願重建募化三

年經之營之功成不日我來訪師暢談疇昔鳴鐘擊鼓  
峻宇凌雲香煙裊裊十殿閻君師年未艾功德已圓誰其  
助之蒼蒼者天天胡助爲至誠以格成佛成仙藉茲定  
力我刻先集妙手空空矢志不懈到底成功作事因循  
百無一成方外有人吾師浩清

仙蝶歌

有序

庚辰正月二十五日夜方夢園廉訪招飲同座  
王謙齋汪研山黃子鴻陳半橋許鏡芙與予飲  
於邦上花園巷正懽飲間飛來一蝶元黃燦爛  
集夢園主人大指上少頃飛去觀者詫異主人



作記屬客詠詩研山畫圖予退而作歌以紀其事二十六日早晨作歌將畢忽來綵蝶飛飛近人移時而去亦一奇也故并記之

夢園先生人中蝶翩翩來自眾香國古時蝴蝶爲莊周  
今者夢園爲蝶游蝶夢蘧蘧猶未覺春風十里過揚州  
清夜沈沈動春酌酒龍詩虎交酬酢主人興發命傳籌  
五花八門洵可樂九九春寒尚未消何來蛺蝶紛紛拍  
金馬玉堂記少時太常仙蝶初來儀廉訪入詞林仙蝶飛至置之匣中啟  
視之春駒本自青霄降豈受人間繫與維今日懸車賦  
不見歸去蝶來相訪欲胡爲先集夢園舉杯手依依不去如

耽酒忽然冲舉如翔鸞矜奇詫異主賓懽歌詩作記登  
騷壇圖繪仙蝶汪研山人祝夢園慶彈冠我祝夢園耄  
耄同盤桓寓齋早起勤搜句仙蝶飛來豈無故夢園與  
我氣相投蝶亦相親并相附綠衣黃裳不可留倏忽翩  
翻過墻去

古梵音寺住持僧濟川齋供箴翁邀予奉陪詩以  
記之

出世遊方外來瞻古梵音蚌含彌勒佛壁挂穎師琴飽  
食伊蒲饌同生歡喜心如何不放下

箴翁對一  
禪友語

一喝省人

深

陳曩壽將遊日本作詩三首留別滬上諸友寄詩  
索和次韻答之卽送其行

百尺元龍湖海樓三年詩酒互相酬  
渡江杭葦安心竟浮海乘桴爲道謀  
萬里洪濤供笑傲二分明月慣勾留  
兩人老去不家食中外奔馳春復秋

君遊東海  
我客揚州

筆掃千軍孰敢攀此行得意幾時還  
放開眼界納瀛海打起精神看島山  
我欲從之增閱歷年將耄矣歎衰孱  
送行昨夢臨黃浦君亦垂垂鬢已斑

最難排遣客離筵輪轉愁腸起酒邊  
千樹桃花圍祖帳萬枝楊柳絆行船  
斗酒百篇同李白乘槎八月異張騫

扶桑人士如相問長嘯彈琴事樂天

庚辰仲春將之日本賦詩三章留別滬上諸君子

陳鴻誥 粵壽

故人招我海東遊 謂鑄生 夙約今番願始酬伏驥尚餘

筋骨健征鴻祇為稻梁謀暖風著意加披拂弱柳多

情替挽留歲月客中容易過歸來恐已及深秋

鷓鴣蛭島待躋攀喜與名流素往還 謂副島竹添諸君 自愧

才非蕭穎士那堪詩市白香山 日本友人頗有寄購余詩稿者故及之

願擢青眼看同調穩倚紅藤策老屣此去勞生增閱

歷遨遊不惜鬢毛斑

勝友連朝敞祖筵  
殷殷送客到江邊  
魂銷折柳三終曲  
目極扶桑萬里船  
採藥荒唐笑徐福  
乘槎浩渺羨張騫  
他時倘有相思句  
早寄魚書達海天

春暮偶成

久客成流落  
年衰志未衰  
刊書因典畫  
遺興便吟詩  
縈夢勞蝴蝶  
催歸感子規  
賢哉王氏女  
奉侍竟忘疲

訪友來邗上  
辭家又半年  
棲遲春欲暮  
逆旅罄空懸  
兩袖清風快  
二分明月圓  
故人將遠別  
不覺涕潛然

方廉訪將

歸合肥故及之

人生一夢耳  
何必計窮通  
富貴草頭露  
文詞馬耳風  
高

歌神鬼泣長嘯海天空洗得心無垢當知和與申

湖南七十老人歐陽敬先慎將往西安赴馮展雲

中丞之約道經邗上過訪寓齋清談半日以彭

雪琴宮保玉麟乞病歸田十二律并其和作見

贈余以劫餘詩詞稿奉酬于其行也詩以送之

有客遠方至清談破寂寥愁聞將帥鼓愛聽玉人簫赴

約三千里尋詩廿四橋客中人見客未別已魂銷

三月初八日余客揚州接到潘紱庭丈曾綬都中

復函并寄懷詩一章感其盛意次韻報之

學士一肚皮不合入時宜此老豈其然胸中常有詩絕

代一佳人道遠難尋伊鐘鼎付兒曹山林樂及時欲見  
恨無由何以慰我思

附錄原作

潘曾綬  
紱庭

玉谿七十八與俗殊其宜除夕與元旦遣興各有詩  
終日手一編無事聲吾伊天空與海濶想見靜坐時  
春風到湖山獨抱千里思

方子箴廉訪將歸肥上作詩六章以送之

十載同吟詠連番賦別離論交遍湖海難得此心知君  
成三不朽我守一無爲功行紅塵滿仙山會可期  
兩世交遊久千秋事業多騷壇建旗鼓宦海歷風波著

作等身富清貧奈若何甘棠思召伯德政萬民歌

一點燈如豆三更月有陰留行苦無策不寐轉沈吟既

踐懸車約

箴翁和余詩有還期攜手懸車年之句今踐之矣故及之

還籌刻集

金代

清畫助

花潭千尺水那及此情深

我亦垂垂老羨君腰脚輕精神比龍馬筆勢走蛟鯨絲

竹東山盛金尊北海盟邗江一分手何以慰餘生

僕夫休整駕話別語難終不出蒼生望重來何處逢傲

廬臨滬上小閣插天空他日如相憶新詩寄一鴻

何物供真賞山樵與十洲

山樵山水十幀大册十洲竹林七賢圖卷

南田雙

白壁花竹此其尤

南田三花圖卷南田竹石圖卷

不惜千金重而忘手



澤留祇緣高誼感割愛贈吾侯

次韻奉和送行六章以詩代柬

方濬頤

意外重相聚將離未忍離徑開銷夏社報與故人知

予本擬四月返肥上以事不果秋初再作歸計我已淹稽慣君胡悶損為有

橋借問月好訂放舟期

酒國花天裏春來得句多雄豪無老態綺麗作餘波

文字空懷許叔平壺觴孰繼何悔餘獨推顛叟健蹶起鎮

高歌君一日行市上仆於地躍然而興都無所損

尺幅添詩境森梢翠篠陰捧緘拜嘉貺君贈南田展竹石卷

卷助清吟樓畔峰橫玉池邊柳綻金環山工結構東關

街小園相傳爲  
方環山畫稿  
巖壑劇幽深

鬻畫刊先集拚將阿堵輕斯人如瘦鶴百筆掣長鯨

歷盡蠶叢險堅持半耳盟王郎謂謙齋渡江去別恨昨

宵生

七十八齡者交遊慎始終爲予辭滬上遠客又淮東

祇覺一簞樂奚愁四壁空蜀岡拋不得且復待征鴻

屢負山僧約芥航招登焦山遲過佛感洲鯿鱸等而上江海

物之尤三月廿五日已啖鱮魚準備三秋返還須兩月留長鑿

箏笛浦學作種瓜侯

庚辰三月二十七日養志園題壁寄懷于漢卿西

安用羅殿庵述懷十首原韻

七十八翁何所求依然騎鶴上揚州  
冉冉韶光過草草  
怒怒行客且休休素心極慕顏淵樂  
終日長懷杞國憂  
在天富貴忙何用莫向人間強出頭

羈旅無歸又半年問渠何事把身纏  
名疆利鎖皆非是  
友誼交情怎敢愆報道先生歸去也  
頓教客子意凄然

謂方夢園門前怕聽驢歌唱  
悵望邗江水拍天

養志園中雀可羅  
慧圓禪悅爾知麼  
養志園主人有三  
慧圓道場圖

千里外音書少  
十二時間記念多  
時主人遊  
幕西安花木欣欣

榮向日風塵碌碌苦奔波  
舅甥倡和當堪再  
兩地馳思

五言詩  
卷之五  
三  
奈何

獨酌尊中酒未乾  
吟魂飄忽到西安  
灞橋柳色徵詩詠  
蓮幕文光射將壇  
去日苦多來日少  
別時容易見時難  
十年未覺揚州夢  
幸得鷗盟尚不寒

人喜言愁我不愁  
樂天知命復何求  
重來桑下留三宿  
合讓斯人出一頭  
琴弄梅花風弄竹  
人生塵世水生漚  
東西勞燕飛無定  
不爲道謀爲食謀

許子緣何不憚煩  
園林投得幾人間  
冤沈精衛難填海  
任重秋蚊敢負山  
惜別漫歌金縷曲  
思歸怕見大刀環  
牡丹芍藥後先放  
富貴神仙共一般

白雲一鷗屋三間高卧北窗鎮日閑拔劍高歌神鬼泣  
彈琴長嘯海天寬傳家長物筆三管伴我間吟月半環  
駒隙光陰容易過百年身世度真難

險阻艱難一筆勾雲中野鶴極其遊樂交天下無雙士  
耻作人間第一流神氣猶存容玩世琴書尙在可銷憂  
苦吟獨坐冬暄室惹得羣芳笑白頭

一灣曲水可流觴彷彿蘭亭引興狂此地平岡少崇峻  
其人仙骨傲冰霜漫天飛絮子規叫滿徑落花蝴蝶忙  
我欲留春春去也騷壇銷夏報開場

夢園和予詩云徑  
開銷夏社報與故

知人

用舍行藏總聽天安貧樂道自怡然門無過客來題鳳  
樹有螳螂喜捕蟬旨酒好邀詩初醉名園難得主人賢  
香山池上無多讓此地能遊卽散仙

四月下泮張子岡故人過訪邗上寓齋喜不自勝

作詩五章奉贈

久客年將耄知心有幾人西江一明月來照苦吟身甲  
子周逾健詩歌妙入神相逢如夢寐恍在滬之濱

子岡與予

同寓上

海三年

三歲一彈指百年能幾時窮通且休問得見快談詩各  
抱千秋志難除一段癡王孫不歸去江畔草離離

邗上多風雨故人笠屐來呼童沽美酒相對共銜杯食  
肉豈嫌鄙烹茶不費催興酣歌一曲孤悶爲君開

素行敦脩潔吟哦出性情丹青舞鸞鳳篆筆走蛟鯨愧  
我徒游藝輸君得盛名頭銜聊自署笑笑一先生

三十年

自號笑笑先生

不問家人事祇知先集刊典衣兼質器別并復離關成  
就千秋業都將萬慮刪邀君偕小隱載月掉舟還

### 題張子岡夢柏山房詩稿

寄住人間世同來邗上遊存心惟一孝得句定千秋陟  
屺瞻望毋荷戈從事侯真言讀不厭令我解離愁

乙亥之秋李碧泉世講來揚州以其祖璞山先生  
索汪沈雲侍御繪春湖遊興圖卷屬代重裝越  
六年碧泉從貴州還到揚州過訪寓齋盤桓數  
日題詩一章以紀其事

春湖遊興發侍御畫圖開七十二年去百千萬劫來詩  
書敦世業風木有餘哀相見談無盡清醪奉一杯  
一別六年矣邗江又見君浮萍離復合落葉聚還分壁  
貴全歸趙年衰愧不支詩成捧圖去無語立斜曛

與碧泉小酌偶成

萬里歸來訪老顛海邊不見又江邊

先訪上海  
後訪邗江

相逢把



蓋談苗俗批酒和歌做少年苗俗男女交杯而飲謂之批酒男女和歌相悅謂做

年少

寓園卽事聯句

長官祈雨吾輩問方忍偶借園池避煩熱柳絲垂水荷

已胎范肯魚兒嬉波鳥相悅假山犖确曲徑通齊玉巧

奪天匠四圍凸吾宗謂環畫稿三年成忍棲雲之東挺

巋嶽園在棲雲飛閣高鸞落松子閣名春雷閣名遠轟翻

浪雪山洞之北石筍當橋彼岸登玉古藤胃屋塵境絕

玉蘭一樹百年物忍桐榆檜柏各成列故家今作寓公

廬肯遊事能尋長者轍攜榼依然舊酒人玉當局信可

奕秋埽渠能用奇我用正忍勝亦非優敗非劣堂堂旗

鼓臨偏師肯不戰服人乃曉傑于聳漢道君無機心玉

朱生初見蒙有說獨於此事羞退讓忍真氣何當屈金

鐵歛枰四顧天冥冥肯市禁屠宰斷翹蘖沙門仍誦木

郎咒玉往者冒暑行跛蹙甘泉山農望澤殷忍邦江水力

灌田竭屏翳倏為箕伯阻肯顛叟且代蒼生懷差幸跋

烏晝景晦玉還冀銀蟾夜光缺旁觀袖手偕踟躕忍憂

從中來不可輟銷磨長日聊劇棋肯會見滂沱屐齒折

煩君再開喜雨社玉紅衣嫋娜翠如旻忍

五月十七日與方忍齋廉訪范肯堂茂才清談賦

詩紀事呈忍齋并眎肯堂卽用寓園卽事聯句

原韻

君不見傀備登場不得間終日趨炎而附熱天生大才

以名世萬里朋來心自悅

時有四川某明府袖詩拜謁忍齋爲門人

盛名坎

壑纏其身世路難行凹復凸巖巖氣象歟所瞻培塿何

能逞崔截天憐此老好吟詩特遣花飛六月雪巫雲峽

雨壓歸裝兩袖清風真快絕江南江北青山多喜迓歸

帆排成列始信無官反覺尊林下優游尋故轍東山筭

奕可銷憂世無奕秋誰與埒羸固欣然敗亦喜殘棋一

局何優劣堂堂之陣正正旗不用機心是真傑深溝高

壘逸待勞以靜制動古有說知已知彼攻必克白戰不  
許持寸鐵我用我法古法休前人奕譜皆陳蘖笑予頑  
鈍不諳棋來遊棋壘艱跛蹙年老脚軟不能遠行正當三時天亢  
旱有源之水流皆竭屠沽禁市雨絲無赤日行天農心  
愒旱魃爲虐豈其然或者人心終有缺爲民牧者心誠  
求勤到龍宮禱勿輟密雲不雨自西郊野老扶筇腰磬  
折但願一雨連三日再歌喜雨煩君赦